

BOSNA I HERCEGOVINA  
FEDERACIJA BOSNE I HERCEGOVINE  
KANTON SARAJEVO  
Kantonalna uprava civilne zaštite

**P R A V I L N I K**  
**O OBRAZOVANJU I USAVRŠAVANJU**  
**DRŽAVNIH SLUŽBENIKA I NAMJEŠTENIKA**  
**U KANTONALNOJ UPRAVI CIVILNE ZAŠTITE**

Sarajevo, April 2007.godine

Na osnovu člana 56. u vezi sa članom 147. Zakona o organizaciji organa uprave u Federaciji Bosne i Hercegovine („Službene novine Federacije BiH“, broj: 35/05) i Poglavlja III stav 1. tačka 6. Smjernica za uspostavu i jačanje interne kontrole kod budžetskih korisnika („Službene novine Federacije BiH“, broj: 19/05), Direktor Kantonalne uprave civilne zaštite d o n o s i

## **P R A V I L N I K**

### **O OBRAZOVANJU I USAVRŠAVANJU DRŽAVNIH SLUŽBENIKA I NAMJEŠTENIKA U KANTONALNOJ UPRAVI CIVILNE ZAŠTITE**

#### **Član 1.**

Ovim pravilnikom uređuju se prava i obaveze državnih službenika i namještenika u Kantonalnoj upravi civilne zaštite (u daljem tekstu: Kantonalna uprava), s obzirom na stručno obrazovanje i usavršavanje.

#### **Član 2.**

Državni službenici i namještenici obavezni su da se, u toku rada, neprestano stručno obrazuju i usavršavaju.

Državni službenik i namještenik ima pravo i obavezu učestvovati na seminarima, savjetovanjima i drugim oblicima obrazovanja i usavršavanja.

#### **Član 3.**

O učestvovanju državnih službenika i namještenika u obrazovanju i usavršavanju odlučuje Direktor Kantonalne uprave civilne zaštite (u daljem tekstu: Kantonalna uprava), vodeći pri tome računa o podjednakom učestvovanju svih državnih službenika i namještenika u obrazovanju i usavršavanju, o čemu se donosi rješenje.

#### **Član 4.**

Državni službenik i namještenik može samoinicijativno podnijeti pisani zahtjev Direktor za učešće u konkretnom obliku stručnog obrazovanja i usavršavanja.

U zahtjevu iz stava 1. ovog člana državni službenik i namještenik dužan je navesti tačno vrijeme održavanja skupa ili obuke, naziv skupa ili obuke, rok trajanja i druge podatke od značaja za pravilnu procjenu učešća na skupu, odnosno obuci.

#### **Član 5.**

Direktor, u vezi podnesenog zahtjeva iz odredbe člana 4. ovog pravilnika donosi rješenje.



## **Član 6.**

U cilju upoznavanja državnih službenika i namještenika s novim propisima i drugim aktima, i načinom njihovog provođenja, Kantonalna uprava može samo, ili u saradnji sa znanstvenim i drugim odgovarajućim ustanovama i pojedincima, organizirati i provoditi određene oblike stručnog obrazovanja i usavršavanja.

## **Član 7.**

Radi kontinuiranog praćenja zakonskih i drugih propisa u Kantonalnoj upravi, Direktor će početkom kalendarske godine odlučiti o nabavci i korištenju stručne literature („Službeni glasnik BiH“, „Službene novine Federacije BiH“, „Službene novine Kantona Sarajevo“, određene kantonalne propise, određeni broj primjeraka dnevnih i sedmičnih listova i drugo).

## **Član 8.**

Prilikom promjena ili uvođenja novog načina ili organizovanja rada, Direktor odlučit će o odgovarajućem načinu stručnog obrazovanja i usavršavanja u Kantonalnoj upravi.

## **Član 9.**

U skladu sa odredbama ovog pravilnika Kantonalna uprava će donijeti Program stručnog usavršavanja državnih službenika i namještenika za tekuću godinu.

## **Član 10.**

Danom stupanja na snagu ovog pravilnika prestaju da važe odredbe ranijih Pravilnika Kantonalne uprave, koje su se odnosile na stručno obrazovanje i usavršavanje.

## **Član 11.**

Ovaj pravilnik stupa na snagu danom donošenja.

Broj:22-44-057-A/07  
Sarajevo, 06.04.2007.godine

**DIREKTOR**  
mr. Mustafa Kovač

